

**Landesbibliothek Oldenburg**

**Digitalisierung von Drucken**

**Io. Rvdolph. Engav Ivrivm D. & P.P.O. In Academia Ienensi  
Elementa Ivris Criminalis Germanico-Carolini**

**Engau, Johann Rudolph**

**Jenae, MDCCXLVIII.**

**VD18 12413879**

Tit. VIII. De Indiciis.

**urn:nbn:de:gbv:45:1-10011**

§. XCIII.

Quis delictum commiserit, iudicem <sup>3)</sup> conqui-  
certiorem faciunt (3) *indicia*, de quibus <sup>rit</sup> *indicia*.  
iam dicendum erit.

TIT. VIII.  
DE INDICIIS.

§. XCIV.

**I**ndicia sunt argumenta ex circumstan- <sup>Indicia</sup>  
tiis facti desumpta, quæ iudici de cri-  
mine perpetrato uel illius auctore fidem  
faciunt.

§. XCV.

Diuiduntur in *remota* & *proxima*, pro- <sup>diuiduntur</sup>  
ut inter ea & maleficium commissum hu- <sup>in remota</sup>  
iusue auctorem certus uel incertus ne- <sup>& proxima,</sup>  
xus\* deprehenditur. <sup>quorum illa</sup>

\* Quouis nexu cessante, cessat uis indicii. Vnde  
superhaberi debet exploratio rei, si qua facta est  
per artes magicas C. C. C. art. 21. §. 1. uirgu-  
lam mercurialem BEYER ad c. a. *pos.* 6. STRYK  
*de curios.* c. 5. nr. 26. cleidomantiam STRVV  
*disp. crimin.* VII, 14. saltum cribri &c.

§. XCVI.

*Remota* subdiuido in *simplicia* & *quali-* <sup>uel simpli-</sup>  
*ficata*. Illius generis sunt: (1) *Physio-* <sup>cia</sup>  
*gnomia* <sup>r</sup>), (2) *fragilitas* <sup>s</sup>), (3)  
Y 4 mali

r) STRYK d. *de phy-* s) CRVSIVS *de in-*  
*siognomia* c. I. 2. KRESS *diciis* p. I. c. 38. seq.  
ad C. C. art. 21. §. 3.



mali parentum mores *t*), (4) mala educatio, (5) abnegatio nominis, patriæ uel familiæ *u*) &c.

## §. XCVII.

uel qualificata.

Qualificata sunt (1) *uita* perpetratis delictis eiusdem generis & sub iisdem circumstantiis ante acta *uu*), (2) cum hominibus, quos malos cognouisti, citra casum, necessitatem uel aliam iustam causam contracta *societas x*), (3) mala *fama y*), quæ publica est *z*), nec ab inimicis diffamati, aut profligatæ leuitatis hominibus, aut iis, quorum interest, originem trahit *a*); (4) *fuga*, cui quis in loco delicti nuper perpetrati subito & ante inquisitionem se dedit *b*), (5) suspecta *presentia* in loco delicti *c*), (6) possessio *instrumentorum*, quibus delictum patratum est; (7) *denominatio a socio criminis sponste facta d*), additis circumstantiis,

- 
- t*) PISTOR cent. IV. de fama forensi §. 21. parcem. 4.      *z*) HERT lib. I. p. 112.
- u*) CRVSIVS c. l. c. 37.      *a*) CARPZOV pr. HORN tr. de semel malo c. 2. §. 14. seq.      crim. qu. 120. n. 22. OLDEKOP c. l. obs. 30. TABOR de iudiciis p. 134. seq.
- x*) CRVSIVS tr. de iudiciis p. l. c. 8. HERTIVS lib. I. parcem. 3.      *b*) OLDEKOP tit. IV. obs. 8.
- y*) C. C. art. 25. §. 3.      *c*) C. C. C. art. 25. §. 4. 5.
- BECHMANNI d. de fama. MENCKEN d.      *d*) C. C. art. 31.



tiis, quas ueras inuenit iudex inquirens, (8) dominium rerum in delicti loco adinuentarum e), (9) *minæ* ad illud speciatim damnus directæ, quod intra breue tempus secutum est, (10) signorum delicti commissi clandestina remotio, (11) transactio cum læso uel accusatore, celebrata f), (12) habitus conformis ei, quo delinquens delicti commissi tempore fuit indutus &c.

## §. XCVIII.

Quæ uario modo elidi possunt. Vi-Quomodo  
hæc elidi  
possint?  
delicet *primum*, exceptione uitæ per triennium bene actæ, conclusionis a delicto huius ad delictum alterius generis &c. *secundum* exc. *societatis*, quam officium g), famulitium aliaue iusta causa suasit, *conditionis* simulatæ &c. *tertium* exc. famæ uagæ, incertæ, leuis, ab inimicis aut post inquisitionem ortæ h) &c. *quartum* exc. *discessus* ante delictum patratum ex iusta causa statuti i), per uiam regiam aut ob metum carceris k) suscepti, *spontanei* reeditus l), *quintum* exc. Y 5  
neces-

e) C. C. art. 29.

Resp. 179. HEIL c. I.

f) CRVSIVS c. l. c. 12.

pag. 212.

g) TABOR c. l. pag.

k) CARPZOV c. l. q.

146. seq.

120. nr. 68.

h) ID. c. l. p. 134. sq.

l) TABOR c. l. pag.

i) BERGER p. II.

167. seq.



necessariæ aut fortuitæ præsentia, *sex-  
tum* exc. emtionis, permutationis &c.  
*septimum* exc. denominationis ad sugge-  
stionem factæ, ex inimicitia prouenien-  
tis, postea reuocatae &c. *octauum* rerum  
ante tempus delicti uel amissarum uel alie-  
natarum *m*) &c. *nouum* exc. hominis, qui  
neque potest, neque solet minas exequi,  
minarum generalium, uel ex ioco iacta-  
tarum, damni post longum temporis in-  
teruallum secuti *n*) &c.

## §. XCIX.

Proximo-  
rum diui-  
siones.

*Proxima*, prout distinguunt uel non di-  
stinguunt delictorum unius eiusdemque  
generis auctores, (1) in *communia* & *pro-  
pria* diuiduntur.

## §. C.

Quumque alia delictum illiusue aucto-  
rem perfecte significant, alia probabili-  
ter: iterum (2) diuiduntur in *necessaria*  
seu certa & *uerisimilia*.

## §. CI.

Quæ indi-  
cia proxi-  
ma sunt fur-  
torum, &

Omnium delictorum, quæ ex cupidi-  
ne habendi proueniunt, communia (§.  
XCIX.) eaque *uerisimilia* (§. C.) indicia  
hæc sunt: (1) si cuius *res familiaris*, ubi  
de nulla causa incrementi constat, crescit,  
aut

*m*) GRANZ *defens.* *n*) IDEM c. l. nr.  
*inquis.* c. 5. m. 2. sect. 3. 86. seq.  
art. 2. nr. 65. seq.



aut (2) ubi profusio multo maior est ac-  
 quæstu, non decrefcit. Vtrumque eo  
 magis ueritatem innuere uidetur, quo plu-  
 ra cum eo concurrunt indicia qualificata,  
 utfi illius res familiaris præter fpem cre-  
 uerit, qui ex loco furti commiffi res quas-  
 dam fufpecto tempore & modo efferre  
 uifus est *m*) &c. *Necessarium* uero ad-  
 effe putant (3) fi quis rem alteri furre-  
 ptam poffideat, nec poffeffionis fuæ ho-  
 neflum titulum laudare queat.

## §. CII.

Quæ indicia elidit reus, probans (a) res <sup>quomodo</sup> <sub>elidantur?</sub> *furtiuas* in fuis quidem ædibus non ta-  
 men in fua poffeffione *n*) deprehensas ef-  
 fe, (b) res, quas *furtiuas* habet iudex, ad  
 læfum nunquam pertinuilfe, (c) incre-  
 mentum uel plane deficiens uel ex iufta  
 caufa oriundum, (d) profufionem alie-  
 norum bonorum &c.

## §. CIII.

Delictorum ex odio prouenientium in- <sup>Indiciis</sup>  
 dicia communia (§. XCIX.), eaque ueri- <sup>proximis</sup>  
 fimilia (§. C.), hæc funt: (1) *inimicitia* <sup>homici-</sup>  
*capitalis*; (2) *comminatio* <sup>diorum</sup> *iftius cædis*  
 quæ poftca fecuta eft *o*) (§. XCVII, 9.);  
 (3) *gla-*

*m*) C. C. C. art. 38. feq. nr. 177.

CRVSIVS *de indiciis* p. 30) MULLERI d. *de*  
 III. c. 2. nr. 27. feq. *uerbis minitantibus.* GER-

H) I. P. S. II, 38. ZAN- DES *de comminatio-*  
 GER *de quæft.* c. 2. *nibus.*



(3) *gladius cruentus*, quem quis tremebunda manu tenet; (4) *inculpatio uulnerati*, quæ sua ratione munita est, nec tendit in inculpantis, illiusue amicorum commodum p); (5) possessio rerum, quas interemtus tempore, quo morti traditus est, secum habuit q) &c. *Sandapila*, seu *cruentatio cadaueris r)*, quia nulla uis inest cadaueribus, quæ sanguinem potest egerere & egesto homicidam denotare s), huc non pertinet (§. XCV.\*).

## §. CIV.

uis uario  
modo de-  
trahitur.

Contra reus excipere potest (a) de *inimicitia* leui, reconciliata uel inter plures diuisa, (b) de *minis* nihil plane probantibus aut ab eo profectis, cui uel uoluntas uel potestas eas exsequendi defuit, (§. XCVIII, 9.), (c) de nece sibi damnosa, (d) de *inculpatione* uulnerati omni ratione destituta uel denuntiantis heredibus ferente commodum, (e) de possessione iusto *titulo* quæsitâ &c.

## §. CV.

p) STRYK d. de *effatis agonizantium* c. 4.

q) C. C. C. art. 33.

r) FELTMANN de *cadau. inspic.* c. 59.  
SCHOTTEL de *singul. in G. iuribus* c. 3.  
MULLERI d. de *iure feretri siue cruentat.*

s) KIRCHMAIER de *cruentatione cadauerum, fallaci illo presentis homicidæ indicio.* HVNDESHAGEN de *stilio sanguinis in hominis uiolenter occisi cadauere conspicui.*



§. CV.

Indicia delictorum carnis hæc accipe Indicia proxima delictorum carnis. communia, eaque uerifimilia, (1) masculi cum femina, quæ denudauit aut leuiter texit mamillas, in locis insolitis amicam conuersationem; (2) tactum membrorum muliebrium, quem masculus quidam frequentauit & femina cum uoluptate passa est; (3) ad coitum præparationem; (4) in- & egressum cubiculi, in quo quis alterius sexus accubat; (5) pernoctationem soli cum sola &c. *Necessarium* est rumor uentris illius feminae, quæ nulli marito iuncta est, aut cum eo non concubuit.

TIT. IX.

DE

INCARCERATIONE FACINOROSORVM.

§. CVI.

**V**t ne iudicium reddatur elusum, ille, contra quem legitima facinoris commissi militat suspicio, *praesens* carceri includendus (§. LXXII, 4.), *fugitiuus* literis arrestatoriis persequendus, & *latitans* saluus conducendus est. De *incarceratione* hic, de *literis arrestatoriis* uero & *saluo conductu* infra quædam proferre licebit.

§. CVII.

